

明・憨山大師開示

佛山寺般若講堂印行

淨宗法要

明・憨山大師開示

淨宗法要

舊金山
金佛山寺般若講堂
印行

歡

翻

◎ 回 向 偈 ◎

願以此功德莊嚴淨土
上報四重恩濟度苦
下有三見聞提心者
若發菩提心悉報國
盡此一生樂
同生極樂國

迎

印

佛曆二五四三年農曆四月八日
西元一九九九年五月二十二日
釋迦牟尼佛聖誕日

三版壹仟本

淨宗法要

著述者：慈 山 大 師

美國舊金山佛光山

贈送處：般若講堂

地址：BUDDHIST WISDOM LECTURE HALL

1339-38th Avenue (Irving & Judah)

San Francisco, CA 94122 U.S.A.

電話：(四一五)七三一四一四一

台灣：甘露寺

贈送處：甘露寺

地址：台北縣三峽鎮建安路一二九之一號

電話：(〇二二)六六八二〇七一

印贈者：陳 慧 榮

承印者：世樺印刷企業有限公司

地址：台北市新生南路三段23號1樓

電話：(〇二二)二三六三二二二〇

再版序

淨宗法要一書，原出於憨山大師全集，憨山大師爲明代高僧，至今肉身不壞，與六祖惠能大師肉身同在廣東南華供奉，其所述全集共五十五卷。今之淨宗法要，乃清道光趙鉞居士自全集中所選錄出，內容精簡，開示習禪修淨學人，句句踏實真切，大師確實修行過來人也。

民國三十九年冬，余住香港大嶼山寶蓮寺禪堂時，一日忽從廢紙堆中發現此書。雖已破舊不堪，而其封面淨宗法要四字奪人眼目，即時披閱一遍，心大歡喜，生難遭想，全身毛孔一時通暢，不可言喻！內心嘆爲希有法寶。

全書法語二十一篇，另加書前附文一篇，共成二十二

篇，精要開示，隨身法寶，至今已有四十二年矣。近又再讀再喜，決心再版以供諸方大德法侶共霑法益，藉此以明修行要旨，以期早日見性明心，最後同登西方上品蓮也。

佛曆二五三六（一九九二）年佛歡喜日

舊金山般若講堂智海謹序

淨宗法要目錄

一	答鄭崑巖中丞	附
二	示優婆塞結念佛社	一八
三	示容玉居士	二〇
四	示劉存赤	二二
五	示玉覺禪人	二五
六	示董智光	二八
七	示嵩璞恩山主	三三

八	示念佛切要	三四
九	示袁鄭二居士	三九
十	示性覺禪人	四一
十一	示西印淨公專修淨土	四二
十二	示修淨土法門	四四
十三	示淨心居士	四八
十四	示沈大潔	四九
十五	示盛蓮生	五四

十六	示無知鑑禪人	五六
十七	示大凡禪人	五八
十八	示凝畜通禪人	六〇
十九	示等愚侍者	六二
二十	徑山禪堂小參	六二
二十一	示念佛參禪切要	六五
二十二	示慧鏡心禪人	六八

憨山大師進修法要附

答鄭崑巖中丞

公案雖多，唯獨念佛審實的話頭，最易得力。須要信得及，靠得定，咬得住，決不可猶豫。不得今日如此，明日又如彼，又恐不得悟，又嫌不元妙。這些思筭，都是障礙。先要說破，臨時不生疑慮。至若功夫做得力處，外境不入，惟有心內煩惱，無狀橫生。或慾念橫發，或心生煩惱，或起種種障礙，以致心疲力倦，無可奈何。

此乃八識田中含藏無量劫來習氣種子，今日被工夫逼急，都現出來。此處最要分曉，先要識得破，透得過，決不可被他籠罩，決不可被他調弄，決不可當作實事。但只抖擻精神，奮發勇猛，提起本參話頭，就在此等念頭起處，一直捱追將去。問渠向何處來，畢竟是甚麼？決定要見箇下落。如此一直拶去，只教神鬼皆泣，滅跡潛踪，務要趕盡殺絕，不留寸絲。如此著力，自然得見好消息。若一念拶得破，則一切妄念一時

脫謝，如空華影落，陽燄波澄，過此一番，使得無量輕安，無量自在，此乃初心得力處。又不可生歡喜心，若生歡喜，則喜魔附心，又多一種障矣。至若藏識中習氣，愛根種子，堅固深潛，話頭用力不得處，觀心照不及處，自己下手不得，須禮佛誦經懺悔，又要持楞嚴咒心，仗佛密印，以消除之。以諸密咒，皆佛之金剛心印，吾人用之，如執金剛寶杵，摧碎一切物，物遇如微塵。從上佛祖，心印秘訣，皆不出此，故曰十方如來，持

此咒心得成無上正等正覺。然佛則明言，祖師門下，恐落常情，故秘而不言，非不用也。此須日有定課，久久純熟，得力甚多，但不可希求神應耳。○凡修行人，有先悟後修者，有先修後悟者，然悟有解證之不同。若依佛祖言教明心解悟也，多落知見，於一切境緣，多不得力，以心境角立，不得混融，觸途成滯，多作障礙，此名相似般若，非真參也。若證悟者，從自己心中，實樸樸做將去，逼拶到水窮山盡處，忽然一念頓歇，

徹了自心，如十字街頭見親爺一般，更無可疑。如人飲水，冷暖自知，亦不能吐露向人，此乃真參實悟。然後即以悟處融會心境，淨除現業流識妄想情慮，皆鎔成一味真心矣。此證悟也。此之證悟，亦有深淺不同。若從根本上做工夫，打破八識窠臼，頓翻無明窟穴，一超直入，更無剩法，此乃上上利根所證者深。其餘漸修所證者淺。最怕得少爲足，切忌墮在光影門頭。何者？以八識根本未破，縱有作爲，皆是識神邊事。

若以此爲眞，大似認賊爲子。古人云：學道之人不識眞，只爲從來認識神，無量劫來生死本，癡人喚作本來人。於此一關，最要透過。所言頓悟漸修者，乃先悟已徹，但有習氣，未能頓淨，就於一切境緣上，以所悟之理，起觀照之力，歷境驗心，融得一分境界，證得一分法身，消得一分妄想，顯得一分本智，是又全在綿密工夫，於境界上做出，更爲得力。○凡利根信心勇猛的人，修行肯做工夫，事障易除，理障難遣，此中病

痛畧舉一二。第一不得貪求元妙，以此事本來平平貼貼，實實落落，一味平常，更無元妙。蓋由吾人知解習氣未淨，內熏般若，般若爲習氣所熏，起諸幻化，多生巧見，綿著其心，將謂元妙深入不捨。此正識神影明，分別妄見之根，亦名見刺。比前麓浮妄想不同，斯乃微細流注生滅，亦名智障，正是礙正知見者。若人認以爲真，則起種種狂見，最在所忌。○其次不得將心待悟，以吾人妙圓真心，本來絕待，向因妄想凝結，

心境根塵對待角立，故起惑造業。今修行人，但只一念，放下身心世界，單單提此一念向前，切莫管他悟與不悟，只管念念步步做將去。若工夫到處，自然得見本來面目，何須早計！若將心待悟，即此待心便是生死根株，待至窮劫亦不能悟，以不了絕待真心，將謂別有故耳。若待心不除，易生疲厭，多成退墮，譬如尋物不見，便起休歇想耳。○其次不得希求妙果，蓋衆生生死妄心，元是如來果體，今在迷中，將諸佛神

通妙用，變作妄想情慮，分別知見，將真淨法身，變作生死業質，將清淨妙土，變作六塵境界。如今做工夫，若一念頓悟自心，則如大冶紅爐，陶鎔萬象，即此身心世界，元是如來果體，即此妄想情慮，元是神通妙用，換名不換體也。故永嘉云：無明實性即佛性，幻化空身即法身。若能悟此法門，則取捨情忘，欣厭心歇，步步華藏淨土，心心彌勒下生。若安心先求妙果，即希求之心，便是生死根本，礙正知見，轉求轉遠，求之